

ო ქ მ ი №6

ხობის მუნიციპალიტეტის საკრებულოს მესამე მოწვევის რიგგარეშე სხდომისა

ქ. ხობი

2016 წლის 7 მარტი

საკრებულოს წევრთა კანონით დადგენილი რაოდენობა - 36

საკრებულოს უფლებამოსილ წევრთა რაოდენობა - 35

რეგისტრაცია გაარა საკრებულოს 25 წევრმა (რეგისტრაციის ფურცელი ოქმს თან ერთვის)

საკრებულოს სხდომაზე დამსწრე წევრთა რაოდენობა - 25 (დამსწრეთა სია ოქმს თან ერთვის)

საკრებულოს სხდომაზე დამსწრე საზოგადოების წარმომადგენელთა სია ოქმს თან ერთვის

სხდომას თავმჯდომარეობდა ედიშერ ჯობავა - საკრებულოს თავმჯდომარე

დღის წესრიგის გაცნობამდე სხდომის თავმჯდომარემ საკრებულოს წევრ ქალბატონებს მიულოცა ქალთა საერთაშორისო დღე - 8 მარტი და წარმატებები უსურვა მათ, როგორც სამსახურეობრივ საქმიანობაში, ასევე პირად ცხოვრებაში.

დღის წესრიგი:

1. „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“ დადგენილების პროექტის განხილვა

(მომხსენებელი: გ. ქაჯაია - მუნიციპალიტეტის გამგებელი
თანამომხსენებელი: დ. ჭოჭუა - გამგეობის საფინანსო-საბიუჯეტო სამსახური);

2. „სოფლის მხარდაჭერის პროგრამის ფარგლებში განსახორციელებელი პროექტების შესახებ“ განკარგულების პროექტის თაობაზე

(მომხსენებელი: გ. ქაჯაია - მუნიციპალიტეტის გამგებელი
თანამომხსენებელი: ზ. ბუკია - გამგეობის ინფრასტრუქტურის, ურბანული განვითარებისა
და არქიტექტურის სამსახურის უფროსი);

3. „ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ძირითადი (განუსხვისებელი) ქონების სარგებლობის უფლებით გადაცემაზე თანხმობის მიცემის შესახებ“ განკარგულების პროექტის განხილვა

(მომხსენებელი: გ. ქაჯაია - მუნიციპალიტეტის გამგებელი;
თანამომხსენებელი: ა. ვარდია - ეკონომიკური განვითარებისა და პროგრამების მართვის

სამსახურის უფროსი);

კენჭი ეყარა დღის წესრიგის წარმოდგენილ ვარიანტს

კენჭისყრას ესწრებოდა საკრებულოს 25 წევრი

კენჭისყრის შედეგები:

მომხრე – 18, წინააღმდეგი – 2 (ე. წურწუმია, კ. ლატარია)

(კენჭისყრას არ ესწრებოდნენ: ჯ. ნადარაია, მ. ლემონჯარია, ბ. ქირია, ლ. ლოლუა, ფ. შონია)

დაადგინეს: დღის წესრიგი დამტკიცდეს წარმოდგენილი სახით

საკრებულოს წევრმა ე. წურწუმიამ დღის წესრიგით გათვალისწინებული საკითხების განხილვამდე სიტყვა ითხოვა და განაცხადა, რომ გამგეობისთვის განცხადებით მიუმართავს, ხობის რაიონის ყოფილ რაიკომის მდივანს, ფაზისის აკადემიის წევრს ბატონ ნუგზარ ნადარაიას, სადაც ის ითხოვდა ჟურნალ „ცოტნეიდელის“ დასაფინანსებლად მიზერულ თანხას, რაზეც გამგეობის მხრიდან უარი მიუღია. მისი თქმით ბატონ ნუგზარის ხობის რაიონის აღმშენებლობის საქმეში უდიდესი წვლილი მიუძღვის და ხობის ამჟამინდელ ხელისუფლებას არ უნდა შეშლოდა მის წინაშე და შესაძლო დახმარება უნდა გაეწია მისთვის.

სხდომის თავმჯდომარემ განმარტებისთვის სიტყვა მისცა მუნიციპალიტეტის გამგეობის კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახურის უფროსს რ. შულაიას

რ. შულაია - განაცხადა, რომ ბატონი ედიშერი შეცდომაშია შეყვანილი, რადგანაც მისი განცხადება არ შეესაბამება სიმართლეს და განმარტა, რომ მუნიციპალიტეტის დღევანდელი ხელმძღვანელობისთვის ცნობილია ბატონი ნუგზარის, ჩვენი მუნიციპალიტეტის წინაშე გაწეული ღვაწლის შესახებ და უდიდესი პატივისცემა გააჩნია მისი პიროვნების მიმართ, მან დაადასტურა ის ფაქტი, რომ მსგავსი ხასიათის განცხადება მართლაც იყო შესული მუნიციპალიტეტის გამგეობაში, თუმცა მასზე არ იყო ყველა აუცილებელი დოკუმენტაცია თანდართული, რაზედაც ეცნობა ბატონ ნუგზარის, მისი წარმოდგენის შემდეგ კი გამგებლის მიერ მიიღება შესაბამისი გადაწყვეტილება დაფინანსების თაობაზე.

დღის წესრიგით გათვალისწინებულ საკითხთა განხილვა

- „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“ დადგენილების პროექტის განხილვა.

(მომხსენებელი: გ. ქაჯაია - მუნიციპალიტეტის გამგებელი

თანამომხსენებელი: დ. ჭოჭუა - გამგეობის საფინანსო-საბიუჯეტო სამსახური);

მოისმინეს: **დ. ჭოჭუა** - მომხსენებელმა საკრებულოს წევრებს გააცნო დადგენილების პროექტი „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით.

აზრი გამოთქვეს: **ლ. ქავთარაძე** - განაცხადა, რომ საკრებულოს ერთ-ერთ სხდომაზე მან განაცხადა, რომ საქართველოს ფეხბურთის ფედერაციის ხელმძღვანელს (ლ. კობიაშვილი) გააჩნდა ოთხწლიანი სამოქმედო გეგმა და საფეხბურთო კლუბები შესაძლებელი იყო ფედერაციის დაქვემდებარებაში გადასულიყვნენ, რის გამოც წინააღმდეგი იყო საფეხბურთო სკოლისა და საფეხბურთო კლუბის გაერთიანების, რათა ისევ არ დამდგარიყო მათი გაყოფის საკითხი. მისი თქმით მისი ნათქვამი გამართლდა, როცა ფედერაცია იქვემდებარებს ადგილობრივ საფეხბურთო კლუბს, და დაინტერესდა თუ რა ბედი ეწეოდა საფეხბურთო სკოლას.

დ. ჭოჭუა - გამომსვლელმა განაცხადა, რომ საფეხბურთო სკოლის დაფუძნება ხელახლა არ მოხდება, რადგან საფეხბურთო კლუბი „კოლხეთი“, საფეხბურთო სკოლის აღსაზრდელებთან ერთად გადადის ფედერაციის დაქვემდებარებაში და მისის აზრით ეს სახელმწიფოს მხრიდან სწორად გადადგმული ნაბიჯია და მიესალმება ამ ფაქტს.

მ. ლაგვილავა - გამომსვლელი დაინტერესდა, თუ რატომ მოხდა საერთოდ საფეხბურთო სკოლის მიერთება საფეხბურთო კლუბ „კოლხეთთან“?

დ. ჭოჭუა - განმარტა, რომ მათი გაერთიანება მოხდა მთავრობის დადგენილების საფუძველზე

მ. ქარდავა - განაცხადა, რომ მუნიციპალიტეტისთვის ამოსავალი წერტილი იყო მთავრობის დადგენილება და არა საქართველოს ფეხბურთის ფედერაციის დებულება

ე. წურწუმია - გამომსვლელი დაეთანხმა წინა გამომსვლელს (ლ. ქავთარაძე) და აღნიშნა, რომ არასწორი იყო მათი გაერთიანება. იქვე მიმართა სხდომის თავმჯდომარეს პრემიების გაცემის თაობაზე და დაინტერესდა თუ რა კრიტერიუმით შეირჩა ის რამდენიმე მოხელე და რატომ არ მიეცათ პრემიები დანარჩენ საჯარო მოხელეებს?

ე. ჯობავა - აღნიშნა, რომ ეს მისთვის, როგორც ხელმძღვანელისთვის, კანონით მინიჭებული უფლებაა, ერთდროული ფულადი ჯილდოთი წაახალისოს ის მოხელე, რომელიც მასზე დაკისრებულ მოვალეობას სანიმუშოდ და კეთილსინდისიერად ასრულებს, ეს იყო უმთავრესი საფუძველი მათი წახალისების.

სხდომის თავმჯდომარემ სთხოვა საფინანსო-სარევიზიო კომისიის თავმჯდომარეს (ტ. ალექსანდრია) წარმოედგინა დასკვნა განსახილველ საკითხთან დაკავშირებით

ტ. ალექსანდრია - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ წარმოდგენილი პროექტით მუნიციპალიტეტის ბიუჯეტში ხორციელდება სხვადასხვა სახის ცვლილებები კერძოდ: გაიზარდა ხობის მუნიციპალიტეტის 2016 წლის ადგილობრივი ბიუჯეტის შემოსავლები 518,5 ათასი ლარით მუხლიდან „გრანტები“ (რგფ). მცირდება ადგილობრივი ბიუჯეტის ხარჯები 448,3 ათასი ლარით, კერძოდ: 432,4 ათასი ლარით ქვეპროგრამის „ხობის მუნიციპალიტეტის საფეხბურთო კლუბი „კოლხეთის“ ხელშეწყობის ღონისძიებები“ ასიგნება, ა(ა)იპ „ხობის მუნიციპალიტეტის საფეხბურთო კლუბი „კოლხეთის“ სუბსიდია, 15,9 ათასი ლარით ქვეპროგრამის „ფეხბურთის განვითარების ხელშეწყობა“ ასიგნება. გამონთავისუფლებული 448,3 ათასი ლარი და გრანტებიდან მიღებული 518,5 ათასი ლარი მიიმართება შემდეგ ღონისძიებათა დასაფინანსებლად: პრიორიტეტის „კულტურა, რელიგია, ახალგაზრდული და სპორტული ღონისძიებები“ (პროგრამული კოდი 01 00) ასიგნებებზე 448,3 ათასი ლარი; პრიორიტეტის ინფრასტრუქტურის მშენებლობა, რეაბილიტაცია და ექსპლუატაციის (პროგრამული კოდი 03 00) ასიგნებებზე 518,5 ათასი ლარი. „ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის მუნიციპალიტეტის საკრებულოს 2015 წლის 30 აპრილის N15 დადგენილების შესაბამისად ხობის მუნიციპალიტეტის 2016 წლის დამტკიცებულ ბიუჯეტში ხობის მუნიციპალიტეტის გამგებლის ბრძანებებით მხარჯავი დაწესებულებებისათვის ადგილობრივ ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის მთლიანი მოცულობა, ანუ შემოსულობების გეგმა შეადგენს 9585,2 ათას ლარს. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია პროექტის წარმოდგენილის სახით დამტკიცება.

კენჭი ეყარა წარმოდგენილ დადგენილების პროექტს

კენჭისყრას ესწრებოდა საკრებულოს 22 წევრი

კენჭისყრის შედეგები:

მომხრე – 21, წინააღმდეგი – 1 (კ. ლატარია)

(კენჭისყრას არ ესწრებოდნენ: ე. წურწუმია, ლ. ლოლუა, მ. ყურუა)

გადაწყვეტილება მიღებულია

2. „სოფლის მხარდაჭერის პროგრამის ფარგლებში განსახორციელებელი პროექტების შესახებ“ განკარგულების პროექტის თაობაზე

(მომხსენებელი: გ. ქაჯაია - მუნიციპალიტეტის გამგებელი
თანამომხსენებელი: ზ. ბუკია - გამგეობის ინფრასტრუქტურის, ურბანული განვითარებისა
და არქიტექტურის სამსახურის უფროსი)

მოისმინეს: ზ. ბუკია - მომხსენებელმა საკრებულოს წევრებს გააცნო განკარგულების პროექტი „სოფლის მხარდაჭერის პროგრამის ფარგლებში განსახორციელებელი პროექტების შესახებ“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტთან დაკავშირებით.

აზრი გამოთქვეს: კ. ლატარია - გამომსვლელი დაინტერესდა, სოფლის მხარდაჭერის პროგრამის ფარგლებში განსახორციელებელი პროექტები რის საფუძველზე იქნა შერჩეული, ისევ ზემდგომი ორგანოების მითითებით ხომ არ შერჩეულა, როგორც წინა წლებში ხდებოდა?

ზ. ბუკია - გამომსვლელმა განმარტა, რომ შეხვედრებზე გამგებლის წარმომადგენლებთან ერთად მოწვეული იყო სოფლის მოსახლეობა და მათი მხრიდან დასახელებულ იქნა ის პრიორიტეტები, რომელიც მათი აზრით უნდა განხორციელებულიყო ამ პროგრამის ფარგლებში, მაგალითისთვის, თქვენს სოფელში, მიმართა კ. ლატარიას (ხეთა) პრიორიტეტად მიჩნეულ იქნა საბავშვო ბაღის რეაბილიტაცია და არამეტყველებულ იქნებოდეს აღნიშნულ პროექტს.

სხდომის თავმჯდომარემ სთხოვა საკრებულოს ეკონომიკური განვითარების საკითხთა კომისიის თავმჯდომარეს (გ. სიჭინავა) წარმოედგინა კომისიის დასკვნა განსახილველ საკითხთან დაკავშირებით

გ. სიჭინავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ „სოფლის მხარდაჭერის პროგრამის ფარგლებში ხობის მუნიციპალიტეტში განსახორციელებელი პროექტებისთვის საქართველოს სახელმწიფო ბიუჯეტიდან ადგილობრივი თვითმმართველი ერთეულებისათვის თანხის გამოყოფის შესახებ“ საქართველოს მთავრობის 2016 წლის 19 თებერვლის N265 განკარგულებით ხობის მუნიციპალიტეტისთვის გამოყოფილი თანხის მოცულობა შეადგინს 848311,00 ლარს, ხოლო „სოფლის მხარდაჭერის პროგრამის დამტკიცების შესახებ“ საქართველოს მთავრობის 2016 წლის 4 თებერვლის N254

დადგენილებით განისაზღვრა სოფლის მხარდაჭერის პროგრამის განსახორციელებლად მუნიციპალიტეტისთვის გამოყოფილი თანხების განაწილება მუნიციპალიტეტების დასახლებებისათვის, მუნიციპალიტეტის საკრებულოს მხრიდან, დასახლებების მოსახლეობის რაოდენობის გათვალისწინებით. ზემო აღნიშნულის საფუზველზე ხობის მუნიციპალიტეტის გამგეობის მიერ მომზადდა განკარგულების პროექტი „სოფლის მხარდაჭერის პროგრამის ფარგლებში განსახორციელებელი პროექტების შესახებ“, გამომსვლელის განცხადებთ, გამგეობის მიერ წარმოდგენილი პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი დამტკიცება.

კენჭი ეყარა წარმოდგენილ განკარგულების პროექტს

კენჭისყრას ესწრებოდა საკრებულოს 23 წევრი

კენჭისყრის შედეგები:

მომხრე – 22, წინააღმდეგი – 1 (კ. ლატარია)

(კენჭისყრას არ ესწრებოდნენ: ე. წურწუმია, მ. ყურუა)

გადაწყვეტილება მიღებულია

(განკარგულება N26 ოქმს თან ერთვის)

3. „ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ძირითადი (განუსხვისებელი) ქონების სარგებლობის უფლებით გადაცემაზე თანხმობის მიცემის შესახებ“ განკარგულების პროექტის განხილვა

(მომხსენებელი: გ. ქაჯაია - მუნიციპალიტეტის გამგებელი;

თანამომხსენებელი: ა. ვარდია - ეკონომიკური განვითარებისა და პროგრამების მართვის სამსახურის უფროსი)

მოისმინეს: ა. ვარდია - მომხსენებელმა საკრებულოს წევრებს გააცნო განკარგულების პროექტი „ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ძირითადი (განუსხვისებელი) ქონების სარგებლობის უფლებით გადაცემაზე თანხმობის მიცემის შესახებ“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ პროექტან დაკავშირებით. საკრებულოს წევრების მხრიდან რაიმე სახის მოსაზრება არ გამოთქმულა, რის შემდგომაც სთხოვა საკრებულოს ეკონომიკური განვითარების საკითხთა კომისიის თავმჯდომარეს (გ. სიჭინავა) წარმოედგინა კომისიის დასკვნა განსახილველ საკითხთან დაკავშირებით

გ. სიჭინავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის საკუთრებას წარმოადგენს ქ. ხობში სტალინის ქ. N6-ში მდებარე შენობა-ნაგებობა, რომლის პირველ სართულზე განთავსებული იყო ა(ა)იპი „ხობის მუნიციპალიტეტის სათნოების სახლის“ სასადილო და სადაც ხორციელდებოდა უმწეოთა კვებით უზრუნველყოფა, ხოლო მისი ლიკვიდაციის შემდეგ, ამ მომსახურების შესყიდვა ხორციელდება ტენდერის საშუალებით. ადგილობრივ ბიუჯეტში თანხის მობილიზების მიზნით გამგეობას მიზანშეწონილად მიაჩნია ამ შენობა-ნაგებობის 100 კვ.მ ფართი გაიჯარება, ზემო აღნიშნული მომსახურების მიმწოდებელზე. გამომსვლელის განცხადებით, გამგეობის მიერ წარმოდგენილი პროექტი მომზადებულია კანონის მოთხოვნათა შესაბამისად და კომისიის მიზანშეწონილად მიაჩნია საკრებულოს სხდომაზე მისი დამტკიცება.

კენჭი ეყარა წარმოდგენილ განკარგულების პროექტს

კენჭისყრას ესწრებოდა საკრებულოს 22 წევრი

კენჭისყრის შედეგები:

მომხრე – 22, წინააღმდეგი – 0

(კენჭისყრას არ ესწრებოდნენ: ე. წურწუმია, კ. ლატარია, მ. ყურუა)

გადაწყვეტილება მიღებულია

(განკარგულება N27 ოქმს თან ერთვის)

დღის წესრიგით გათვალისწინებული საკითხის ამოწურვის შემდგომ საკრებულოს რიგგარეშე სხდომა დახურულად გამოცხადდა.

სხდომის თავმჯდომარე

ედიშერ ჯობავა



ხობის მუნიციპალიტეტის საკრებულო

მესამე მოწვევის საკრებულოს 2016 წლის 7 მარტის რიგგარეშე სხდომაზე დამსწრე
საკრებულოს წევრთა სია

1. ედიშერ ჯობავა
2. მამუკა ქარდავა
3. გოჩა სიჭინავა
4. ტარიელ ალექსანდრია
5. დოდო გაბუნია
6. ლევან ქავთარაძე
7. მალხაზ ლაგვილავა
8. ვასილ კუკავა
9. თენგიზ აბაკელია
10. მერაბ ნადარაია
11. მერაბ ფილიპია
12. გენად ქაძანაია
13. ლაშა ცატავა
14. ლეონიდე ლოლუა
15. მზია ლემონჯარია
16. შადიმან ჭილაია
17. ჯემალ ნადარაია
18. მელორ გელანტია
19. ედიშერ წურწუმია
20. მალხაზ ყურუა
21. კახა მიქაბერიძე
22. ბეჟან ქირია
23. კახა ლატარია
24. ფრიდონ შონია
25. გენად ზარანდია